

Ո Ր Ո Շ ՈՒ Մ N 45

վարչական տույժ նշանակելու մասին

18 մարտի 2022թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հայկ Միրզոյանս, քննելով <<ՀԱՇ ԱՆԿՅՈՒՆ>> ՍՊԸ-ի (ՀՎՀՀ՝ 03533633) մաքսային ձևակերպումների մասնագետ Մարիա Սուրենի Թանգամյանի կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2022թ. մարտի 14-ին ՀՀ ՊԵԿ Հյուսիսային մաքսատուն-վարչության մաքսային գործառնությունների բաժնի պետ Ա. Միրոյանը զեկուցագիր է ներկայացրել Հյուսիսային մաքսատուն-վարչության պետին և հայտնել, որ <<կանաչ ուղի>> ընթացակարգով 30.12.2019թ.-ի թիվ 05100020/301219/0012260 ապրանքների հայտարարագրում սխալ է լրացվել 33-րդ /ապրանքի ծածկագիր/ դաշտը, որի հետևանքով չի առաջացել մաքսային վճարների պակաս հաշվարկում:

Փաստի առթիվ 14.03.2022թ.-ին ՀՀ ՊԵԿ Հյուսիսային մաքսատուն-վարչության փաստաթղթային հսկողության բաժնի մաքսային տեսուչ Գայանե Համբարյանի կողմից Մարիա Սուրենի Թանգամյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Սույն վարույթի շրջանակներում ՀՀ ՊԵԿ Հյուսիսային մաքսատուն-վարչության պետի 17.03.2021թ, թիվ Ն/27.2/45499-2021 գրությամբ հարցում է կատարվել ՀՀ ՊԵԿ ներքին անվտանգության վարչություն Մարիա Սուրենի Թանգամյանի սահմանատուների վերաբերյալ տեղեկատվություն ստանալու վերաբերյալ: ՀՀ ՊԵԿ ներքին անվտանգության վարչության թիվ Ն/2-5/47275-2021 գրությամբ տրամադրված տեղեկությունների համաձայն Մարիա Սուրենի Թանգամյանը 30.08.2021թ.-ին հատել է /դուրս է եկել/ Հայաստանի Հանրապետության սահմանը:

Նյութերի ուսումնասիրությունից պարզվել է, որ Դենիս Պոտապովի անվամբ ՀՀ ներմուծված MERCEDES-BENZ GLE43W մակնիշի, 4JGDA6EB1HA990167 նույնականացման

համարով , 2017 թվականի արտադրության տրանսպորտային միջոցի համար Մարիա Սուրենի Թանգամյանի կողմից լրացվել է թիվ 05100020/301219/0012260 ապրանքների հայտարարագիրը, որտեղ 33-րդ /ապրանքի ծածկագիր/ դաշտը սխալ է լրացվել: Հայտարարագրի 33-րդ /ապրանքի ծածկագիր/ դաշտում 87032319880 լրացնելու փոխարեն լրացվել է 87032390890, այսինքն՝ հայտարարագիրը լրացվել է լրացման կարգի վերաբերյալ ոչ ճշգրիտ տեղեկությամբ:

ԵԱՏՄ Մաքսային միության Հանձնաժողովի 20.05.2010թ.-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 36-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից պարտադիր լրացման ենթակա սյունակները, որի մեջ ներառված է նաև 33-րդ սյունակը:

ՀՀ Մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամական ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանք 50 հազար դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Այսպիսով, Մարիա Սուրենի Թանգամյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ անզգուշության հետևանքով հայտարարագրման ժամանակ ոչ ճշգրիտ տեղեկություններ նշելով, որի հետևանքով չի առաջացել մաքսային վճարների վճարման պարտավորություն:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար Մարիա Սուրենի Թանգամյանին (նույնականացման քարտ՝ 012614954, հասցե՝ Շիրակի մարզ, Ախուրյան, Արևիկ 12փ, տուն 10) ենթարկել վարչական պատասխանատվության՝ տուգանելով 50.000 դրամ (տուգանքն անհրաժեշտ է վճարել 900005024055 հաշվեհամարին):
2. Որոշման մասին հայտնել Մարիա Սուրենի Թանգամյանին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ

Ստացա որոշման օրինակը

(ստորագրություն)

(անուն, ազգանուն)

←→ 2022թ.